

**PROCES-VERBAL Nr. 1**

**PROCESVERBAL- Tipi i kontratës - Shërbime**

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM**

OBJEKTI I PROCEDURËS: “Shërbim sigurie për ruajtjen fizike të ndërtesave, aseteve, njerëzve dhe pronave të OSSH sh.a/ Drejtoria Rajonale Berat & FSHU sh.a/ Drejtoria Rajonale Berat” - Marrëveshje Kuadër - me një operator ekonomik ku të gjitha kushtet janë të përcaktuara - për një afat 3-vjeçar

KODI PËRKATËS NË FJALORIN E PËRBASHKËT TË PROKURIMIT (CPV): 79713000-5 Shëbim me roje private, 79711000-1 Shërbime monitorimi alarmi

VLERA E FONDIT LIMIT: 165,353,112 (njëqind e gjashtëdhjetë e pesë milion e treqind e pesëdhjetë e tre mijë e njëqind e dymbëdhjetë) lekë pa TVSH ose 1,734,746.04 (një milion e shtatëqind e tridhjetë e katër mijë e shtatëqind e dyzet e gjashtë pikë katër) Euro pa TVSH Përllogaritja e fondit limit është bërë nga një grup i posaçëm i caktuar me urdhër të brendshëm.

NDARJE NE LOTE: - JO

Vlerat në euro janë konvertuar sipas kursit zyrtar të këmbimit të Bankës së Shqipërisë, datë 22.05.2026 me kurs këmbimi 95.40

Në bazë të nenit 21, pika 2, të Ligjit nr.162/2020 “Për prokurimin publik” (i ndryshuar), nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik” (i ndryshuar), autoriteti/enti kontraktor Drejtoria Rajonale e OSSH, Berat ka hartuar procesverbalin për argumentimin dhe miratimin e specifikimeve teknike dhe kritereve për kualifikim për procedurën e sipërcituar, me përmbajtjen si më poshtë:

**I. KRITERET E VEÇANTA TË KUALIFIKIMIT**

1. Kandidati/ofertuesi duhet të dorëzojë:

*a. Sigurim oferte, sipas Shtojcës nr. 3 të DST-ve*

*b. Formulari përmbledhës i vetdeklarimit, sipas shtojcës nr. 10 të DST-ve*

**Argumentimi:** Kërkesat e mësipërme bazohen në nenet 76, 82 dhe 83 të LPP (i ndryshuar) dhe , nenit 26, të VKM nr. 285, datë 19.05.2021 “Për miratimin e rregullave të prokurimit publik” (i ndryshuar)

## **2. Kandidati/Ofertuesi duhet të dorëzojë:**

### **2.1. Përshtatshmëria për të kryer veprimtarinë profesionale (nëse është e aplikueshme):**

Me paraqitjen e Formularit Përmbledhës të Vetëdeklarimit të operatorit ekonomik në ditën e hapjes së Ofertës, sipas Shtojcës 9. (Kriteret e Përgjithshme të Përzgjedhjes/ Kualifikimit).

**Argumentimi:** Kërkesa e mësipërme bazohet në nenin 77, pika 1/a dhe 2, të LPP (indryshuar), nenit 41, pika 4, të VKM nr. 285, datë 19.05.2021 ”Për miratimin e rregullave të prokurimit publik” (i ndryshuar)

### **2.2 Kapaciteti ekonomik dhe financiar:**

**2.2.1.** Për të provuar kapacitetet financiare dhe ekonomike, operatorët ekonomikë duhet të paraqesin kopje të deklaratave të xhiros për tre vitet e fundit (2023, 2024, 2025), ku vlera e xhiros në të paktën njërin prej tre viteve, të jetë jo më e vogël se 80 % të fondit total limit të marreveshjes kuader.

Kërkesa për plotësimin e kapaciteteve financiare konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti/enti kontraktor.

Kur oferta paraqitet nga një bashkim operatorësh, ky kusht, plotësohet nga të gjithë anëtarët e bashkimit, në raport me përqindjen e pjesëmarrjes së tyre në bashkim sipas aktmarrëveshjes.

**Argumentimi:** Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP (i ndryshuar), si dhe nenin 43, të VKM nr. 285, datë 19.05.2021 “Për miratimin e rregullave të prokurimit publik” (i ndryshuar).

Përcaktimi i vlerës së kërkuar argumentohet si më poshtë:

Vendosja e këtij kriteri kualifikues i shërben Autoritetit Kontraktor për të vertetuar se operatori ekonomik fitues i zotëron të gjitha kapacitetet ekonomike dhe financiare për të përmbushur me sukses kontratën.

---

OE ofertues duhet të ketë kapacitetin e duhur ekonomik dhe me këtë qëllim, është argumentuar se vlera e xhiros në të paktën njërin prej tre viteve, të jetë jo më e vogël se 80 % të fondit total limit të marreveshjes kuadër.

Përcaktimi i viteve të kërkuara për paraqitjen e vërtetimit të xhiros vjetore është bazuar në nenin 61 të ligjit nr. 29/2023, datë 30.3.2023 "Për tatimin mbi të ardhurat", i ndryshuar, Udhëzimi i Përgjithshëm i Ministrit të Financave nr.26, datë 8.9.2023, "Për tatimin mbi të ardhurat", i ndryshuar, si dhe kërkesave të ligjit Nr. 25/2018 "Për kontabilitetin dhe pasqyrat financiare". Në miratimin e këtij kriteri ka mbajtur në vëmendje nenin 61 të ligjit nr. 29/2023, datë 30.3.2023 "Për tatimin mbi të ardhurat", i ndryshuar, Udhëzimi i Përgjithshëm i Ministrit të Financave nr.26, datë 8.9.2023, "Për tatimin mbi të ardhurat", i ndryshuar: "Çdo person, që i nënshtrohet këtij ligji, është i detyruar të deklarojë në organin tatimor të gjitha të ardhurat, qofshin ato të tatuara në çfarëdo mënyre apo të përjashtuara nga tatimi. Për personat fizikë që janë nën 18 vjeç deklarata tatimore bëhet nga kujdestari i tyre ligjor. Deklarata tatimore vjetore dorëzohet në organin tatimor jo më vonë se data 31 mars e vitit pasardhës të vitit tatimor për të cilin dorëzohet deklarata."

---

**2.2.2.** Operatorët ekonomikë duhet të paraqesin kopje të vërtetuara të bilanceve, të audituara nga ekspertet kontabël të licencuar, të konfirmuara nga autoritetet përkatëse të Administratës Tatimore, të tre viteve të fundit (2023, 2024, 2025), ku të paktën në dy bilance të njëpasnjëshme, nuk ka raport negativ ndërmjet aktivitetit dhe pasivitetit.

Akt Ekspertizës të Ekspertit Kontabel të Autorizuar, duhet të paraqitet nga Operatori Ekonomik vetëm në rastet kur ata janë në kushtet e përcaktuara nga neni 41, gërma 'b' e ligjit nr. 10091, datë 05.03.2009 "Për auditimin ligjor, organizimin e profesionit të ekspertit kontabël të regjistruar dhe të kontabilistit të miratuar" (i ndryshuar me ligjin nr.10 137, datë 11.5.2009; me vendimin e Gjykatës Kushtetuese nr. 3, datë 5.2.2010; me ligjin nr.10 297, datë 8.7.2010; ligjin nr. 47/2016, datë 28.4.2016; ligjin nr. 126/2024, datë 19.12.2024).

Kërkesa konsiderohet e përmbushur nëse në dy bilancet e njëpasnjëshme të kërkuara, nuk ka raport negativ ndërmjet aktivitetit dhe pasivitetit.

Kur oferta paraqitet nga një bashkim operatorësh, ky kusht plotësohet nga secili anëtar i bashkimit.

**Argumentimi:** Kërkesa e mësipërme është përcaktuar bazuar në nenin 77, pika 3, e LPP (i ndryshuar), si dhe nenin 43, pika 4, të VKM nr. 285, datë 19.05.2021 "Për miratimin e rregullave të prokurimit publik"(i ndryshuar).

Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht, ligjit nr.10091 date 5.3.2009 "Per auditimin ligjor, organizimin e profesionit të ekspertit kontabel të regjistruar dhe të kontabilistit të miratuar" ( i ndryshuar).

---

Vendosja e këtij kriteri kualifikues i shërben Autoritetit Kontraktor për të vërtetuar se operatori ekonomik fitues i zotëron të gjitha kapacitetet ekonomike dhe financiare për të përmbushur me sukses kontratën.

Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht, ligjit nr. 29/2023, datë 30.3.2023 "Për tatimin mbi të ardhurat", i ndryshuar, Udhëzimi i Përgjithshëm i Ministrit të Financave nr.26, datë 8.9.2023, "Për tatimin mbi të ardhurat", i ndryshuar, si dhe kërkesave të ligjit Nr. 25/2018 "Për kontabilitetin dhe pasqyrat financiare". Referuar në nenin 61 të ligjit nr. 29/2023, datë 30.3.2023 "Për tatimin mbi të ardhurat", i ndryshuar, Udhëzimi i Përgjithshëm i Ministrit të Financave nr.26, datë 8.9.2023, "Për tatimin mbi të ardhurat", i ndryshuar: "Çdo person, që i nënshtrohet këtij ligji, është i detyruar të deklarojë në organin tatimor të gjitha të ardhurat, qofshin ato të tatuara në çfarëdo mënyre apo të përjashtuara nga tatimi. Për personat fizikë që janë nën 18 vjeç deklarata tatimore bëhet nga kujdestari i tyre ligjor. 2. Deklarata tatimore vjetore dorëzohet në organin tatimor jo më vonë se data 31 mars e vitit pasardhës të vitit tatimor për të cilin dorëzohet deklarata.

Ndërsa shoqërimi me Akt Ekspertizen e Ekspertit Kontabel të Autorizuar, është bërë duke iu referuar parashikimit në nenin 41 shkronja b" të Ligjit nr. 1009/2009: "*Detyrohen të kryejnë auditimin ligjor të pasqyrave financiare vjetore, individuale apo të konsoliduara, përpara publikimit të tyre: "b) të gjitha njësitë ekonomike dhe grupet e njësive ekonomike, të cilat në mbyllje të periudhës kontabël, për dy vjet radhazi, tejkalojnë dy prej tre treguesve të mëposhtëm: i. totali i aktiveve të bilancit në mbyllje të periudhës kontabël përkatëse arrin ose e kalon shumën prej 50 000 000 (pesëdhjetë milionë) lekësh; ii. shuma e të ardhurave nga veprimtaria ekonomike (qarkullimi) në*

*atë periudhë kontabël arrin ose e kalon shumën prej 100 000 000 (njëqind milionë) lekësh; iii.ka mesatarisht të paktën 50 (pesëdhjetë) të punësuar gjatë periudhës kontabël."*

---

## **2.3 Aftësitë teknike dhe profesionale:**

**2.3.1.** Operatori ekonomik duhet të paraqesë dëshmi për realizimin me sukses të një ose disa kontratave për shërbimet e mëparshme, të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 40 % të vlerës së fondit të limit të marrëveshjes kuadër

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës, ose/dhe faturave tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimet e realizuara.

b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimet e realizuara.

Në rast se kontrata është realizuar si bashkim operatorësh ekonomik, operatori ekonomik pjesëmarrës duhet të paraqesë akt – marrëveshjen e bashkëpunimit dhe prokurën e posaçme ku përcaktohet përqindja e shërbimit për secilin operator ekonomik, si dhe në rast se është realizuar si nënkontraktor duhet të paraqesë miratimin e autoritetit kontraktor.

**Argumentimi:** Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” (i ndryshuar) dhe nenit 41, pika 3, të VKM nr. 285, datë 19.05.2021 “Për miratimin e Rregullave të Prokurimit Publik” (i ndryshuar). Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën jo më pak se 40 % të vlerës së fondit limit, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Duke pasur parasysh se shërbimi i sigurie për ruajtjen e ndërtesave, aseteve, njerezve dhe pronave është një shërbim shumë i rëndësishëm, është parë e arsyeshme që operatori ekonomik duhet të ketë eksperiencë të mëparshme për të garantuar shërbimin e kërkuar dhe për të vertetuar aftësitë e tij.

---

**2.3.2.** Operatori ekonomik duhet të paraqesë licencë si më poshtë:

- a) Licenca për ushtrimin e aktivitetit të shoqërisë, kategoria I.3.A lëshuar nga QKB.
- b) Certifikate e “Titullarit të Subjektit” të shoqërisë, lëshuar në bazë të ligjit nr.75/2014.
- c) Certifikate e “Drejtnesit Teknik” të shoqërisë, lëshuar në bazë të ligjit nr.75/2014.
- ç) Certifikate e “Punonjesit të Shërbimit” për jo më pak 47 punonjës shërbimi gjithësej të nënkategorisë I.3.A, nga të cilat 30 punonjës shërbimit të certifikuar nga DPQ Berat dhe 17 punonjës shërbimit të certifikuar nga DPQ Fier në bazë të ligjit nr.75/2014.
- d) Autorizim individual në emër të shoqërisë, lëshuar nga AKEP, për Përdorimin e Frekencave për sistem radiokomunikimi dhe alarmi, me zonë mbulimi të tillë që të përfshijë hapsirën ku ndodhen objektet e Drejtorisë në Skrapar, Polican, Berat, Kucovë, Lushnjë dhe Divjake.

**Argumentimi:** Kërkesa e mësipërme është përcaktuar bazuar në nenin 77, të ligjit nr. 162, datë 23.12.2020 “Për prokurimin publik” (i ndryshuar), nenin 41, pika 4, gërma a,) të VKM nr.285, datë 19.05.2021 “Për miratimin e Rregullave të Prokurimit Publik” (i ndryshuar), si dhe ligjit.75/2014 “Për shërbimin privat të sigurisë fizike” (i ndryshuar)

Me anë të këtij kriteri kërkohet që operatorët ekonomikë të dëshmojnë se disponojnë licencat profesionale që parashikohen nga legjislati në fuqi për kryerjen e shërbimeve, objekt i kontratës, të lëshuara nga autoritetet përkatëse, kompetente.

---

**2.3.3.** Operatori ekonomik pjesëmarrës, për realizimin e shërbimeve objekt kontrate, duhet të disponojë **personelin kryesor**, si më poshtë:

Operatori ekonomik te paraqese vërtetim nga Drejtorite e Policive Vendore te Qarqeve Berat dhe Fier me date leshimi jo me pare se 90 dite nga data e hapjes se ofertave, ne te cilen pasqyrohet informacioni i meposhtem:

**a)** Per numrin e punonjësve te certifikuar gjithesej per kategorinë I.3.A, jo me pak se 47 punonjës shërbimi nen-kategoria I.3.A, nga te cilat 30 punonjes sherbimi te certifikuar nga DPQ Berat dhe 17 punonjes sherbimi te certifikuar nga DPQ Fier ne baze te ligjit nr.75/2014 ( i ndryshuar)

**b)** Te kete Pergjegjes Sherbimi, jo pak se 2 (dy), 1 (nje) ne Qarkun Berat dhe 1 (nje) ne Qarkun Fier.

**c)** Te kete punonjes per verifikim te sinjaleve elektronike/alarme (grup te gatshem) ne Qarkun Fier (qyteti Lushnje) dhe Qarkun Berat.

**ç)** Operatori ekonomik duhet te kete performance te mire gjate ushtrimit te aktivitetit. Nuk duhet te kete marre masa administrative per operatorin ekonomik (Subjektin), Titullarin e Subjektit dhe Drejtuesin Teknik, sipas percaktimeve te kreut V, te Ligjit nr.75/2014 ( te ndryshuar) Per te provuar kete fakt duhet te paraqes vertetim/e te leshuara nga Drejtorite Vendore te Policise ne Qarqet Fier (qyteti Lushnje meqenese objektet jane ne qytetin e Lushnjes dhe Divjakes) dhe Berat.

**d).** Operatori Ekonomik duhet te paraqes Akti-Miratimi ”Qendres se Menaxhimit te Sherbimit” leshuar nga Drejtoria e Policise se Qarkut ke eshte instaluar Qendra, konform nenit nr. 22 te Ligjit nr.75/2014 (i ndryshuar).

**Argumentimi:** Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” (i ndryshuar) dhe nenit 41, pika 4/ b), të VKM nr.285, datë 19.05.2021 “Për miratimin e Rregullave të Prokurimit Publik” (i ndryshuar) dhe ligji 75/2014 “Për shërbimin privat të sigurisë fizike”( i ndryshuar).

Me anë të këtij kriteri kërkohet që operatorët ekonomikë të dëshmojnë që kanë stafin, personelin e nevojshëm të kualifikuar për realizimin me sukses të kontratës. Konkretisht:

Per Sherbimin e sigurie per ruajtjen e ndertesave, aseteve, njerezve dhe pronave te Drejtorise Rajonale te OSSH, dhe FSHU Berat, te cilat kane nje rendesi te vecante.

Me anë të kriterit (vërtetim i performancës nga DVP Berat dhe DVP Fier) kërkohet që operatorët ekonomik të dëshmojnë se plotësojnë kërkesat lidhur me stafin, kualifikimet dhe performancën e shoqërisë gjatë ushtrimit të aktivitetit.

- Kërkesa që vërtetimi i performancës të jetë lëshuar jo më vonë se 90 ditë nga data e hapjes së ofertave, është në përputhje me nenin 20 dhe nenin 24, gërma “e” të Ligjit nr. 75.2014 “Për shërbimin privat të sigurisë” (i ndryshuar) dhe ka për qëllim marrjen e informacionit aktual lidhur me këtë performancë.

- Lidhur me masat administrative dhe ngjarjet .

Sipas pikës 4, të nenit 77 të Ligjit 162/2020 “Per prokurimin publik” (i ndryshuar), Autoriteti Kontraktor në vendosjen e kriterëve kërkon garanci në lidhje me përmbushjen me sukses të kontratës nga ana e operatorëve ekonomik, të cilët duhet të dëshmojnë seriozitet dhe besueshmëri

gjatë kryerjes së veprimtarisë së tyre. Kriteret për kualifikim vendosen që ti shërbejnë Autoriteteve Kontraktore për njohjen e gjendjes së kapaciteteve të operatorëve ekonomik, të cilët nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetin organizativ, reputacionin dhe besueshmërinë si dhe gjithçka tjetër në funksion të realizimit me sukses të kontratës. Në këtë kuptim, për autoritetin kontraktor është e rëndësishme të provohet që operatorët ekonomik zotërojnë të gjitha kapacitetet për realizimin e kontratës me sukses në afat dhe me cilësi.

Kërkesa lidhur me masat administrative për operatorin ekonomik (subjektin) dhe Drejtuesin Teknik parashikohen nga Kreu V i Ligjit nr. 75.2014 “Për shërbimin privat të sigurisë fizike” (i ndryshuar) si dhe në Kreun III të Udhëzimit të Ministrit të Brendshëm nr. 150, datë 16.08.2024 “Për funksionimin e shërbimit privat të sigurisë fizike dhe Qendrës së Trajnimit Privat të punonjësve të shërbimit” (i ndryshuar)

Kjo kërkesë bazohet në nenin 19 dhe 20 të Ligjit nr. 75.2014 “Për shërbimin privat të sigurisë fizike” (i ndryshuar) si dhe në Kreun III, pika “B” e Udhëzimit të Ministrit të Brendshëm nr. 150, datë 16.08.2024 “Për funksionimin e shërbimit privat të sigurisë fizike dhe Qendrës së Trajnimit Privat të punonjësve të shërbimit”.

---

**2.3.4.** Operatori ekonomik pjesëmarrës, për realizimin e kësaj kontrate duhet të disponojë fuqi punëtore prej **minimalisht 49 persona**, 47 punonjes shërbimi si dhe drejtuesin teknik dhe administratorin.

Për përmbushjen e këtij kriteri, operatorët ekonomikë duhet të vetëdeklarojnë disponimin e numrit minimal të punonjësve në formularin përmbledhës të vetëdeklarimit.

Gjithashtu OE duhet të paraqes vërtetim nga Drejtoria e Tatimeve për numrin e punonjësve të siguruar për tre muajt e fundit, shoqëruar me listë pagesat e sigurimeve shoqërore (formularët E-sig 025 a) të nxjerra nga sistemi elektronik të tatimeve. Operatori ekonomik duhet të ketë minimalisht 49 punonjës të siguruar në muaj, 47 punonjes shërbimi si dhe drejtuesin teknik dhe administratorin.

Ky kriter përmbushet nëpërmjet paraqitjes nga Operatorët Ekonomik të Formularit Përmbledhës të Vetëdeklarimit, sipas shtojcës nr. 10 të DST-ve.

**Argumentimi:** Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” (i ndryshuar) dhe nenit 41, pika 4/c, të VKM nr. 285, datë 19.05.2021 “Për miratimin e Rregullave të Prokurimit Publik” (i ndryshuar), me anë të këtij kriteri kërkohet që operatorët ekonomikë të dëshmojnë që kanë fuqinë punëtore të nevojshme për ekzekutimin e objektit të prokurimit, që ka në dispozicion apo që mund t’i vihen në dispozicion operatorit ekonomik për të përmbushur kontratën.

Numri i përcaktuar i punonjësve është përlllogaritur si më poshtë:

Duke llogaritur numrin e objekteve per te cilat kerkohet sherbimi me roje, numri i vendrojeve si dhe orari i sherbimit duke perlllogaritur turni I, II, dhe III.

---

**2.3.5.** Operatori ekonomik pjesëmarrës, për realizimin e kontratës, duhet të disponojë mjetet dhe pajisjet e mëposhtme:

Operatori ekonomik duhet te disponoje te pakten 5 (pese) automjete te përshtatshme per ndërhyrje ne raste emergjente dhe patrullim, ne pronesi apo te marra me qera, te vërtetuara si me poshte:

- Pronesia e automjeteve te vërtetohet duke paraqitur lejen e qarkullimit te tyre, siguracion te vlefshem, akt-kolaudimi te vlefshem.

- Marrja me qera ose huapërdorja e automjeteve te mesiperme, do te pranohet vetem nese kontrata/t e qiramarrjes ose te huapërdorjes jane te lidhura para noterit, me afat vlefshmërie brenda afatit te zbatimit te kontrates per kete sherbim dhe te shoqeruara me dokumentacionin (lejen e qarkullimit te tyre, siguracion te vlefshem, akt-kolaudimi te vlefshem).

Ky kriter permbushet nepermjet paraqitjes nga Operatoret Ekonomik te Formularit Permbledhes te Vetedeklarimit, sipas shtojces nr. 10 te DST-ve.

**Argumentimi:** Në bazë të pikës 4, të nenit të 77, të ligjit nr. nr. 162, datë 23.12.2020 “Për prokurimin publik” (i ndryshuar) dhe nenit 41, pika 4/ ç, të VKM nr. 285, datë 19.05.2021 “Për miratimin e Rregullave të Prokurimit Publik” (i ndryshuar), me anë të këtij kriteri kërkohet që operatorët ekonomikë të dëshmojnë që kanë në dispozicion apo që mund t’i vihen në dispozicion mjetet dhe pajisjet teknike për të përmbushur kontratën, të nevojshme për ekzekutimin e objektit të prokurimit.

Automjetet jane kerkuar per raste te nderhyrjes emergjente dhe patrullim nga Grupi i Gatshem prane objekteve qe do te ruhen nga OE. Numri i automjeteve eshte kerkuar ne baze te numrit te objekteve qe do te ruhen. Gjithsej jane 18 objekte. Dhe 5 automjetet e kerkuara nga AK jane te miftueshme per kryerjen e objektit te prokurimit.

---

## **2.4. Kërkesa të tjera të veçanta për kualifikim**

**2.4.1** Operatorët ekonomikë duhet te paraqesin analizen e koston per oferten e paraqitur (preventiv per nje roje dhe nje vendroje ne muaj). Operatoret ekonomik duhet te percaktoje cmimin e ofertes duke respektuar aktet ligjore dhe nenligjore ne fuqi (si psh: page baze, shtesat mbi page turni I+III, sigurimet shoqerore...etj). Ofertat qe nuk respektojne kerkesat ligjore do te konsiderohen nenkoston ligjore dhe do te skualifikohen.

---

## **II. Argumentimi i specifikimeve teknike**

### **SPECIFIKIMET TEKNIKE**

**Sherbimi do te kryhet per 8 ore me 1.42 roje, 12 ore me 2.13 roje dhe 24 ore me 4.98 roje :**

Shërbimi i ruajtjes fizike:

- Roja duhet te jene te pajisur e mjete mbrojtese, me uniforma dhe dokument identifikimi dhe mjete te tjera llogjistike sic parashikohet nga ligji 75/2014 "Për shërbimin privat të sigurisë fizike" (i ndryshuar) .
- Te ruaj objektin qe i eshte besuar, te ruaje rendin ne to si dhe te siguroje jeten e personelit.
- Per ruajtjen e objekteve te rendesise se vecante, ofertuesi duhet te pajise punonjesit e sherbimit me arme krahu dhe per objektet e tjera me arme brezi, sipas percaktimeve ligjore te ligjit.75/2014 "Për shërbimin privat të sigurisë fizike" (i ndryshuar)
- Sherbimi i ruajtjes fizike do te filloje ne oren 08:00 ne mengjes, do te mbaroje ne oren 16:00 per sherbimin 8 ore dhe ne ore 20:00 ne darke per shërbimi 12 oresh. Sherbimi do te ofrohet nga e Hena ne te Shtune.

Shërbimi i ruajtjes me Alarm.

- Sherbimi i ruajtjes me sistem alarmi dhe kamera vëzhgimi do te ofrohet nga ora 16:00 deri ne oren 08:00 ne vendet ku sherbimi i ruajtes fizike do te ofrohet 8 ore dhe nga ora 20:00 deri ne oren 08:00 ne vendet ku sherbimi i ruajtes fizike do te ofrohet 12 ore, 24 ore ditet e pushimeve dhe festat zyrtare.
- Sherbimi i ruajtjes me sistem alarmi dhe kamera vëzhgimi do te ofrohet per ambjentet e brendshme dhe te jashme te objekteve sipas tabelës me objekte sipas tabelës.
- Do te vendoset te pakten 1 (nje) sistem alarmi per cdo objekt.
- Sistemet e Alarmit janë Sisteme teknologjike, elektronike dhe moderne për sinjalizimin e hyrjes apo dëmtimeve të paligjshme në ambjentin e marrë në sigurim.
- Përgjegjësit e objekteve garantojnë aktivizimin dhe çaktivizimin e alarmit në momentin e mbylljes dhe hapjes së objektit.

- Shoqëria e Sigurisë mban përgjegjësi pas aktivizimit të sistemit të alarmit në rast se vjedhja apo dëmtimi i materialeve në objektin e siguruar ka ardhur si pasojë e neglizhencës së shërbimeve të kësaj shoqërie ( pas ardhjes së sinjalit të alarmit në monitor si pasojë e mosvlerësimit dhe vonësës në verifikim për më shumë se 5 minuta)

- Montimi dhe mirëmbajtja e pajisjeve të sistemit të alarmit dhe kamerave të vezhgimit janë përgjegjësi e shoqërisë private të sigurisë.

- Sistemet e Alarmit të jenë me transmetim me Radio, me GSM ose me GPRS, me sistem mbyllje me pult ose me tastier me kod, me sensorë me kabëll ose me wireless.

- Të gjitha shpenzimet e instalimit dhe mirëmbajtjes, për pjesë ndërrimi, paisjet e zëvendësuara, zëvendësimin e baterive, sensorë të ndryshëm, DVR, Centrale të sistemeve të alarmit dhe kamerave, kabëll rrjeti etj, gjatë procesit të shërbimit periodik dhe në periudhën e garancisë, do të mbulohen nga vetë shoqëria e sigurimit për gjithë kohën e parashikuar në kontratë.

Ofruesi i Shërbimit duhet të plotësojë kërkesat e mëposhtme:

a) Te jetë i licensuar nga autoritetet kompetente për ushtrimin e funksionit si roje i ruajtjes dhe sigurisë fizike ( kopje e licensës).

b) Të reflektojë një sjellje korrekte dhe të respektueshme.

c) Paisja me mjet identifikimit si roje e ruajtjes dhe sigurisë fizike gjatë gjithë kohës së shërbimit duhet të mbahet në vend të dukshëm.

d) Gjatë gjithë kohës së shërbimit punonjësi i kompanisë SHPSF duhet të respektojë rregullat e brendshme të OSSH & FSHU sh.a.

e) Punonjësi i ofruesit të shërbimit duhet të jetë i aftë të reagojë dhe veprojë gjithmonë në përputhje me instruksionet e personave përgjegjës të përcaktuar nga OSSH sh.a & FSHU sh.a.

f) Të gjithë punonjësit e ofruesit të shërbimit të kërkuar duhet të jenë të pajisur me uniformen dhe të gjitha materialet e nevojshme llogjistike sipas ligjit Nr. 75/2014 “Për shërbimin privat të sigurisë fizike” ( i ndryshuar) si dhe në aktet nënligjore për zbatim të tij.

g) Të ushtrijnë kontrole të herë pas hershme në objektin ku kryen shërbimin, për të parandaluar veprimet e kundërligjshme.

h) Për persona të jashtëm që vijnë për probleme pune, duhet të njoftojnë më parë punonjësin që kërkohet dhe me lejen e tij i shoqërojnë tek ai.

i) Të kërkojnë nga shtetasit dhe punonjësit të zbatojnë rregullat e brendshme të objektit.

## **NJESIA E PROKURIMIT**